

Na osnovu člana 36. i 69. Statuta Općine Stari Grad Sarajevo – Prečišćeni tekst (“Službene novine Kantona Sarajevo”, broj 20/13), Načelnik Općine Stari Grad Sarajevo, donio je

U P U T S T V O
o uslovima i načinu korištenja objekta “Saburina kuća”

Član 1.

Ovim Uputstvom utvrđuju se osnove i način povremenog ili privremenog iznajmljivanja objekta “Saburina kuća” (u daljem tekstu: Saburina kuća) i to unutrašnjosti samog objekta.

Saburina kuća nalazi se u ulici Saburina broj 6., Sarajevo (Općina Stari Grad Sarajevo).

Član 2.

Prostor iz stava 1. prethodnog člana može se koristiti, uz plaćanje naknade, u sljedeće svrhe:

- za potrebe snimanja određenih programa (vjerskih, kulturnih, zabavnih i sl.);
- za potrebe obavljanja određenih fotografisanja, photo-shootinga, snimanja kataloga, modnih i drugih editorijala ;
- za potrebe snimanja (fotografisanja) vjenčanja, odnosno fotografisanja (foto-album) mladenaca;
- za sklapanje brakova.

U prostoru može istovremeno boraviti maksimalno 50 (pedeset) osoba.

Član 3.

U slučajevima navedenim u članu 2. ovog Uputstva objekat “Saburina kuća” može se koristiti samo ukoliko se sadržajem istih neće narušavati izgled i imidž objekta.

U vezi sa prethodnim stavom korisnici se obavezuju da će voditi računa o sadržajima objekta, te da će se brinuti da kuća, kao nacionalni spomenik ne doživi bilo kakvu vrstu oštećenja ili nedostatka, a dužni su brinuti se o čuvanju kompletnog inventara unutar objekta.

Član 4.

Ukoliko se u slučajevima navedenim u stavu 2. člana 3. ovog Uputstva prouzrokuju bilo kakva oštećenja ili objektu nanese određena vrsta štete, korisnici objekta su obavezni snositi sve troškove eventualno prouzrokovane štete.

Član 5.

Za iznajmljeni prostor u “Saburinoj kući” korisnici će plaćati naknadu i to u slučajevima navedenim u članu 2. stav 1., 2. i 3. Uputstva (150,00 KM po satu korištenja), a u slučajevima sklapanja braka u predmetnom objektu, pored cijena posebne usluge sklapanja brakova utvrđene u Pravilniku o naknadama posebnih troškova za obavljanje sklapanja braka i legalizaciju potpisa, broj: 01-05-4-400/15 od 12.02.2015. godine, u članu 3. stav 1. alineja 2. i 3. Pravilnika, plaća se i dodatna naknada (150,00 KM - radni dan, odnosno 200,00 KM -neradni dan - nedelja i praznici).

U cijene iz prethodnog člana nije uračunat PDV.

Član 6.

Sredstva iz prethodnog člana uplaćuju se na račun Općine Stari Grad Sarajevo.

Član 7.

Zahtjev za korištenje “Saburine kuće” podnosi se Načelniku Općine, putem Službe Kabineta Načelnika Općine, a koja po prethodnoj saglasnosti Načelnika, donosi posebnu Odluku sa utvrđenom cijenom, uslovima i načinu korištenja objekta, uz prethodno obavljene konsultacije sa nadležnim službama/sektorima (privreda- oblast turizma i odnose s javnošću).

Član 8.

Za vrijeme boravka u objektu i njegovog korištenja, pored korisnika koji je iznajmio korištenje objekta i dobio odobrenje za korištenje, u objektu mora biti prisutan i predstavnik Službe za privedu-stručni savjetnik za oblast turizma, koji će nadgledati korištenje prostora i brinuti se za sigurnost inventara (vrijednosti) koje se nalaze u predmetnom objektu, kao i službenik obezbjeđenja Sektora za tehničke poslove i obezbjeđenje.

Član 9.

Ovo Uputstvo stupa na snagu danom donošenja i primjenjivat će se od 18.05.2015. godine, a bit će objavljeno i na intranet stranici Općine Stari Grad Sarajevo.

OPĆINSKI NAČELNIK

mr. Ibrahim Hadžibajrić

Broj: 01-05-4-826/15
Sarajevo, 05.05.2015. godine